

SENIOR CERTIFICATE EXAMINATION
SENIORSERTIFIKAAT-EKSAMEN



OCTOBER / NOVEMBER
OKTOBER / NOVEMBER

2004

SISWATI LULWIMI LWEKUCALA
LIZINGA LELIPHASI

Liphepha Lekucala

SG

113-2/1

8 pages

siSWATI FIRST LANG SG: Paper 1



113 2 1

SG

COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI



LITIKO LEMFUNDVO LASEGAUTENG

KUHLOLWA KWEBANGA LESHUMI NAMBILI

SISWATI LULWIMI LWEKUCALA
LIZINGA LELIPHASI
(Liphepha Lekucala)

SIKHATSI: 2 ema-awa

EMAMAKI: 75

CAPHELA:

- Leliphepha linetigaba letintsatfu A, B na-C.
 - Phendvula yonke imibuto, ungakhetsi.
 - Bhala tinombolo njengobe tibhalwe ephepheni lemibuto.
 - Yonkhe imibuto ayiphendvulwe ngelulwimi lolwemukelekako.
 - Bhala ngesandla lesicacile lesifundzekako.
-
-

SIGABA A

UMBUTO 1

Fundza letindzatjana bese uphendvula lemibuto lelandzelako.

Sicephu A:



Bekukhona imiti lembalwa yakhe etikwetintsaba teLubombo. Imiti le beseyineminyaka leminyenti itintile kuleyo ndzawo. Beyihleti ngekuthula nekuvana. Bewungatsi tihlobo labantfu labakhe kuleyo ndzawo.

Intfo lebeyibavisa buhlungu kulenzawo, kunyamalala kwebantfu bangatiwa kutsi bashonaphi. Umnyaka bewuphela kunyamalele labasihlanu nome ngetulu. Indvodza lebeyisoleka kulenzawo nguMntolo, ngobe abetihlalela yedvwana futsi angeti ngisho nasebandla nakukhulunywa ngalokubaphetse kabi kulenzawo. Walandvwa libandla ngenkhani, latsi akasho naye kutsi nguliphi likhambi lelingasetjentiswa kuphele kunyamalala kwebantfu kulenzawo.

Kwevakala lomunye uMnumzane atsi, "Ngeke kuisite ngalutfo kushona lena nale ngalenzaba, kutsi sibeke emaciniso njengobe anjalo." Wabindza kancane lomnumzane, watsatsa umoya, emehlo akhe abuke libandla kutsi litsini ngaloku lakukhulumako. Wachubeka watsi, "Yonkhe indzawo kutsiwa labantfu labanyamalalako, batsatfwa nguMntolo yena lona losembikwetfu nyalo. Ase sive ngaye kutsi utsini ngaloku lokukhulunywa ngaye." Yatsi beyicedze kukhuluma leyo ndvodza, yahlala phasi. Wasukuma Mntolo, emadvolo ashayisana. Lulwimi lwakhe lwashwaphana, kwangabikho nalinye livi laliphimisako.

Libandla lonkhe lavumelana kutsi akachutjwe kuyiwe naye kakhe, ngobe kuvakala shangatsi kunematsambo ebantfu labonakalako emtini wakhe. Kwahanjwa naye Mntolo kucondvwe ekhaya lakhe. Kwabonakala ematsambo lamanyenti lacakile. Lamatsambo abebonakala kutsi luphahla lwematsambo emitimba yebantfu. Kwetfuka onkhe emadvodza abekhona lapho ebandla. Mntolo wehluleka ngisho nekuphika. Libandla lavumelana kutsi alinawo emandla ekucedza lendzaba lamuhla, ngaphandle kwekutsintsa inkhosi lebaphetse.

Wachutjwa Mntolo kuyiwa naye enkhosini. Inkhosi yatsi ayinalo litfuba lekugweba lendzaba lamuhla, ncono igwetjwe ngakusasa. Wavalelwa endlini letsite Mntolo ngenhloso yekutsi icala lakhe ligwetjwe ngakusasa. Lwafika lusuku lwelicala. Kwayiwa endlini lapho kuvalelwe khona Mntolo, kwatfolakala umnyango uvuleke nge angekho Mntolo. Wafunwa yonkhe indzawo, wangatfolakali. Kwevakala ngebasiki belibundza kutsi Mntolo wakhe edvute nesihobodla lesisentasi kwetintsaba teMjindini. Lizinga lekulahleka kwebantfu lakhuphuka kakhulu. Mntolo abasanebakhe bantfu lasahlala nabo. Ekhaya laMntolo bekudliwa bantfu.

- 1.1 Bekuvame kutsi kunyamalale bantfu bangaki ngemnyaka kulenzawo? (1)
- 1.2 Kubangelwa yini sive sisolele kuMntolo ngekunyamalala kwebantfu? (1)
- 1.3 Acala kanjani emazimu kulemaSwati? (2)
- 1.4 Kukhulunywa ngabosivile lapha endzabeni, ngabe bantfu labanjani laba? (1)
- 1.5 Chaza lamavi:
- 1.5.1 kushayisana emadvolo.
- 1.5.2 kuphimisa livi.
- 1.5.3 luphahla lwematsambo.
- 1.5.4 kutsintsa inkhosi.
- 1.5.5 kutsatsa umoya.
- 1x5 = (5)
- 1.6 Bakabani bakaMntolo? (1)
- 1.7 Inkhosi yenta liphutsa ngekuhlehliisa licala laMntolo, itsi utawugwetjwa ngakusasa. Sekela lombono. (1)

[12]

Sicephu B:

(Esitimeleni lesiya eNelspruit sisuka eJozi bayacoca bantfu. Ungafunga utsi kusenkantolo.)

Sigamba: Ngimi sihlalo lapha, thulani!
 Sofi : Ubekwe ngubani? Ninjani nine madvodza?
 Berry : Ulamula tsine nawe. Ngicolisile kuSotibabe Sigamba. Sofi akacoli. Uyalwa. Kusakela ePakisiteshi utsi akangidle ngematinyo.
 Sofi : Ngiyeva. Ungabatsemba yini bafana? Abati kukhlukumeta. Akusiko kulimala kwengcondvo? I-Okapi nje ungayiva.
 Sigamba: Liciniso lelo Sofi. Nalokugagadlela lokwandze namuhla kuwa kwelisiko.
 Berry : Lisiko lani manje?
 Mangena: Lisiko lekuhlonipha.
 Sigamba: Lisiko litsi kubantfu kuhlonipha indlela yekukhulumisa intfombi. Intfombi uyishela ilapha nawe ulapha. Awuyibambi ngesandla uyidvonsadvonse uyisike nge-okapi noma uyikhombe ngemkhono welikati.
 Sofi : Basho wena Berry! Chubeka Sigamba.
 Mangena: Ba-be Sigamba. Nje sewubona lijaha wena Sofi? Bese-wu - -
 Sofi : Lokukhulu lutsandvo. Tsine lusha sinenkinga yenu majaha. Nati tjwala bese nitsi mbo umsindvo.
 Sigamba: Nawutse dvu buluhlata bebantfu bandziswa kuwa kwenhlonipho.
 Sofi : Utsini-ke Berry?

- 1.8 Engcocweni lengenhla nyomula emavi lachaza **lesisho**:
 1.8.1 Uyabhedza.
 1.8.2 Kuncono kutsemba litje kunebafana. 2 x 2 = (4)
- 1.9 Ake utibumbele **saga** ngeligama **inhlonipho**. (2)
- 1.10 Kusuke konakelephi kumfana losuka ahlukumete intfombi? (2)
- 1.11 NgesiSwati lesilula usuke achaza kutsini umuntfu nakakhuluma:
 1.11.1 ngekhulukumeta?
 1.11.2 ngemkhono welikati? 1 x 2 = (2)
- 1.12 Usuke enjani umuntfu labatsi uluhlata? (1)
- 1.13 Phutsa lini lelentiwa bafana banyalo nabasoma intfombi? (1)
- 1.14 Umuntfu lomdvuna wephula liphi lisiko lelidzala noma lanamuhla nakagagadlela intfombi? (1)

EMAMAKI ESIGABA A: [13]
[25]

SIGABA B

UMBUTO 2

Finyeta lendzaba. Emagama lowasebentisile angengci ku-20.

INhlangano lesita boSomabhizinisi labasakhula

Ngemnyaka wa-1987 iNhlangotho yekutfutukisa boSomabhizinisi labancane (Small Business Development Corporation) kanye neMbuso wakuleli yanika bosomabhizinisi labancane labangu-2 346 incumbi yemali, imali lesabalele impela. Kutsiwa kwakutigidzi letingemashumi lasihlanu. Loku kwentiwe ngaphandle kwemali lencane lebolekwe ngulabhapetse emabhizinisi lamancane lengu-R7 000.

Esikhatsini salamuhla semanyenti kakhulu emabhizinisi, lokusho kutsi lizinga lekuphila liya ngekuphakama kuwonkhewonkhe. Utsi utihambela nje emgwacweni uhlangane nebantfu batsengisa lokuya ngasetfunjini ngetincodlana nemabhala. Nawufuna lokunatfwako lokubandzako, uvele ungene esitolo lesentiwe ngemoto kumbe ibhasi lendzala. Tindzawo letinjengaleti tisiwa ngiyo lenhlangano lesita kukhuphula lizinga labosomabhizinisi labancane ulikhandza kakhulukati emva kwetindlu, ligcine selitsenge timoto.

Batsi batfola lwati etimbonini, etikolweni kantsi kulabanye ngumabunjelw'esiswini lolo lwati.

Labanye bacela lusito nelwati kulenhlangano yabosomabhizinisi labancane. Umphakatsi utsemba kutsi bomasipala batawelekelela ngekubanika tindzawo tekusebentela. Kulungiselelwa kwetindzawo temabhizinisi njengetitolo, timboni kanye nemahhovisi ngukona kubaluleke kakhulu kubaphatsi labancane, njengekusho kwaDokodela Ben Vosloo longuMcondzisi jikelele walenhlangano. Yena uchaze watsi libandla lakhe selivule ematfuba emisebenti langu-190 000 emadolobheni alabaMnyama, kantsi imali ibalelwa etigidzini letingu-R460.

Lenhlangano seyakhe siphili semuti lobitwa ngekutsi yiLesedi City edvute nelidolobha laseJozi. Kulenzawo kutfolakala titolo letincane, timboni kanye nalabanye bosomabhizinisi labancane.

EMAMAKI ESIGABA B: [10]

SIGABA C

UMBUTO 3

Fundza lesicashunwa uphendvule imibuto lelandzelako:-

Bantwana balitsembe lakusasa

Bayinchubekela embili yaleso naleso sive emhlabeni. Umntfwana udzinga lutsandvo nenhlonipho. Loku kumenta akhule aligugu futsi alwela kuba sibani emphakatsini. EmaKguntla sive lesisibonelo ekukhuliseni umntfwana.

Kusukela emakhulwini lamatsatfu eminyaka leyengcile lesive vele siyamvikela umntfwana. Unatsiswa imitsi yesisu netinhlungu. Unatsiswa umhlonyane wemkhuhlane. Ubhenyiswa tinyamatane atewucina, angatfoli tifo lula nje. Lesive siphuma butimba lobukhetsekile kanye ngemnyaka. Kulobutimba kutingelwa imbuzimawa, imfene.

Nakubanjwe imbuzimawa yinye, kuya kuletintsatfu, kukhishwa tonkhe tibiyo tiphekwe embiteni yinye. Kuhlangukiswa bantwana besigodzi badle bahube lisobho, tisu tigcwale tiphatime. Loyi-ke, nguwona mjovo lomkhulu walomkhuhlane lokutsiwa ngubhubhane. Tibhedlela tatingekho futsi tingatiwa. Emadvodza wona osa yonkhe inyama lapha ebandla. Phela inyama yembuzimawa yona yehla esiphundvu nawuyose kahle.

Liphalishi livele litsi chamu, litsi sitse futsi. Nasasutsi emabutfo utawubona sukumi sekugidwa. Kuba mnyama khwishi lutfuli ngoba lokwebantwana naku sekucophisana naboyise. Ibasela kuba ngumlungwane wemakhosikati asakekela nawo atsi aluphosa lunyawo kube ngushi! Khayi! Shi! Khayi! Khayi! Bhu! Kukhale lihlombe.

- 3.1 Fundza nayi imisho lekhishwe endzabeni lengenhla bese unyomula kuyo:
“Lesive siphuma butimba lobukhetsekile kanye ngemnyaka. Kulobutimba kutingelwa imbuzimawa.”
- 3.1.1 Libitombici ubhale nesigaba salo. (1)
3.1.2 Libito lelingeniswa esigabeni 14. (1)
- 3.2 Bukisisa lomusho bese ubhala kutsi lelibito lelidvwetjelwe lisetjentiswe laba yini emshweni.
Umntfwana udzinga lutsandvo. (1)
- 3.3 Shano umsebenti **wesabito selucobo** kulomusho:
Inyama yona yehla esiphundvu. (1)
- 3.4 Shano kutsi ngabe **sabito sekukhomba** sisetjentiswe njani kulemisho:-
3.4.1 Lesive siphuma butimba lobuketsekile. (1)
3.4.2 Loyi-ke nguwona mjovo lomkhulu wabhubhane. (1)
- 3.5 Sebentisa **sibanjalo sesabito selucobo** ‘nguwona’ emshweni lotakhele wona: (1)

- 3.6 Esigabeni sesitsatfu nyomula **sabitananibhanca** usisebentise emshweni. (1)
- 3.7 Enkhulumeni **siphawulo** siyachaza noma sibe sabito. Wena sebentisa siphawulo **lomkhulu** emshweni lotibumbele wona sivete munye kulemisenbenti lemibili. Shano kutsi emshweni wakho sisebentani. (1)
- 3.8 Shano kutsi lemisho lelandzelako ikutiphi **tindlela tesento**:
3.8.1 Sive siyamvikela umntfwana.
3.8.2 Kubona kanye kubona kabili. (2)
- 3.9 Shano kutsi **sentakutsi** sisetjentiswe njani kulemisho:
3.9.1 Nasasutsi utawabona emajaha, vutfu kugiywa.
3.9.2 Shi! Khayi! Khayi! Khayi! Bhu! 1 x 2 = (2)
- 3.10 Bhala tonkhe tinhlobo **tempambosi** letitfolakala kulemisho:
3.10.1 Bantfwana bacophisana naboyise.
3.10.2 Kukhishwe tonkhe tibiyo. 1 x 2 = (2)
- [15]**

UMBUTO 4

Fundza nalena indzatjana uphendvule imibuto:

Muhle	: EGermany ngiyohlala abe matsatfu emaviki sitsandvwa bese ngendlulela eJiniva ngibuya ekhaya.
Senti	: Ucabanga situngu siyobe sidlala yonkhe lenyanga ungekho. Awungicabangeli Linda. Uyangidzina! Awuhlali lapha ekhaya! Nami lingidziniwe lelidlada.
Muhle	: Cola, Mshika wami. Cola Mganu. Ingwe idla ngemabala. Phela noma ungigwaza nalawile emavi; buhle bakho bona buyangisanganisa. Uyingcalamba sibili.
Senti	: Wena udlala ngelikhuba kutiliwe. Kuluphala kukwenta ube netinhloni ngami Linda. Kunjani Muhle. Phika! (<i>Amutse njo emehlweni</i>).
Muhle	: YeFuzile, nje sewungaze ucijise lomlonyana wakho lomuhle shengatsi ngibulele likati? Nakukhale nyonini nje kuwe lamuhla?
Senti	: Ungatsalalisi. Muhle ngi ...
Muhle	: Fuzile, ngiyatfukutsela njalo. Ngilambile. Ngiphe kudla. Ngitawusuka ngikushaye ngekhisu ukhale, loMacinase lo. (<i>Avula imvilophu lesetafuleni</i>) Yinja le noma lithikithi lakho lendiza?
Senti	: (<i>Amgona</i>) Shishi! Amanga. (<i>Bacoshisane sebadlala. Ngci! gi! gi! gi! gi! bhi! Bobabili.</i>)

- 4.1 Shano kutsi lamavi lacashunwe endzabeni lengenhla etfula nhloboni **yelovelomagama**:
- 4.1.1 Awungicabangeli Linda, uyangidzina!
- 4.1.2 Cola Mshika wami. Cola Mganu.
- 4.1.3 Fuzile, nje sewungaze ucijise lomlonyana wakho lomuhle sengatsi ngibulele likati? 1 x 3 = (3)

- 4.2 Endzabeni lengenhla nyomula **saga** lesichaza lokulandzelako:
 4.2.1 Umuntfu utsandzelwa imisebenti yakhe lemihle. (1)
- 4.3 Bhala lelinye ligama lolatiko **lelimcondvofana** naleli:
 4.3.1 Kutsalalisa.
 4.3.2 Kuluphala. 1 x 2 = (2)
- 4.4 Sebentisa lelibintana lemavi **emishweni** lotakhele yona:
 4.4.1 Kushaya ngekhisi.
 4.4.2 Kukhale nyonini. 1 x 2 = (2)
- 4.5 Bhala inchazelo lendzala nalensha yeligama **lidladla**. (2)
- 4.6 Bhala **ligama** LINYE lelisenzabeni lelimele lamabintana.
 4.6.1 Lipheshana lolitsengako nawutewuhamba ngebhasi, ngendiza noma ngesitimela.
 4.6.2 Incola lehamba emoyeni itfutsa bantfu noma imphahla. 1 x 2 = (2)
- 4.7 Bhala ligama lolatiko lelihlonipha **likati**. (1)
- 4.8 Sebentisa ligama, **ingcalamba** emushweni lotakhele wona. (1)
- 4.9 Gucula lomusho unike **umcondvo lolandvulako**:
 Uyingcalamba sibili. (1)
- [15]**

UMBUTO 5

- 5.1 Lungisa emagama lakubakaki kute imisho ifundzeke kahle inemcondvo wesiSwati lesihle. Dwebela lapho ulungise khona.
 5.1.1 Tsepiso uyibonile (ikosi) yesive semaSwati.
 5.1.2 Lumka akatsengi (-lesitolo) utsenga kuleta taseMlamulankunzi.
 5.1.3 Disco (uyakha) inkundla yemidlalo.
 5.1.4 Imfundvo (yomgulukudvu) kuganga.
 5.1.5 (Inkabana) yakhe ifile. 1x5 = (5)
- 5.2 Kulesiceshana lesingentasi lungisa emaphutsa ekukhuluma nekubhala. Dwebela la ulungise khona.
 iermelo yindzawo lebandzako. Emilindelweni yakhona kugcokwa emajazi. Ebusika bantfu yanyatselana lapha kaDlamini eMalahleni.
 Heyi wena Majazana nifike kucala. suka ngitsenge, Kubhavumula Thoshi.
 (½ x 10) = (5)
- [10]**
- EMAMAKI ESIGABA C: [40]**
- EMAMAKI ASAWONKHE: 75**